

TOUAZIÈM PATI

Lavi nan Kris-la

PRÉMIÉ SÉKSION

Vokasion moun-nan : lavi nan Éspri-a

PRÉMIÉ CHAPIT

Dignité moun-nan kòm moun

ATIK 3

Libèté moun-nan

1730 Bondié kréyé moun-nan rézonab, antan-l ba li dignité kòm moun ki gin kapasité pran inisiativ épi kontrolé aksion-l. « Bondié té vlé réyèlman “kité moun-nan nan min pròp désizyon-l” (Si 15,14), yon fason pou-l chèche Kréatè-l la spontanéman (san yo pa fòsé-l) épi pou, antan-l rété 30 kolé sou li, li rivé libréman nan pèfeksion ki an plin-an épi ki kontantman-an”:

« Moun-nan minm rézonab, épi poutèt sa li sanblé ak Bondié, yo fè-l lib nan désizyon-l épi mèt pròp tèt-li » (S. Irénée, hær. 4, 4, 3).

I. Libèté-a ak responsabilité-a

1731 Libèté-a sé pouvoua, ki anrasiné nan rézon-an ak volonté-a, pou-ou aji oubyin pa aji, fè tèt bagay oubyin tèt lòt bagay, épi konsa aji dapré pròp désizyon-ou. Palintèmediè lib arbit-la (kapasité pou désidé libréman-an) chak moun fè sa-l vlé ak pròp tèt-li. Nan moun-nan, libèté-a sé yon fòs 1721 kouasans ak dévlopman nan vérité-a ak byin-an. Libèté-a rivé jouinn pèfeksion-l lè li orianté nan diréksion Bondié, kontantman an plin nou-an.

- 1732 Tout tan li poko fikse nan byin final-li ki Bondié, li inpliké posibilite
 396 pou *chouazi ant byin-an ak mal-la*, sé poutèt sa li kapab grandi nan
 1849 pèfeksion-an oubyin vîn défisian épitou fè péché. Sé li minm ki distingé
 2006 aksion moun-nan fè kòm moun. Li tounin sous louanj oubyin répròch,
 mérit oubyin chatiman.
- 1733 Plis yon moun fè sa ki byin, sé plis li vîn lib. Pa gin libète tout bon vré
 1803 si sé pa nan sèvis byin-an ak jistis-la. Chouazi dézobéyisans-la ak mal-la
 sé sèvi mal ak libète-a épi sa minnin nan ésklavaj péché-a (cf. Rm 6, 17).
- 1734 Libète-a fè moun-nan *résponsab* aksion-l yo nan mézi aksion sa-yo
 1036, 1804 volontè. Progrè nan vèrtu-a, konésans byin-an épi disiplin-nan (ascèse)
 ogmanté kontròl volonté-a sou aksion-l yo.
- 1735 *Répròch (imputabilité)* épi responsabilité kèk aksion inpliké kapab
 597 diminue épi minm siprimé akoz ignorans-la, mank atansyon-an, violans-la,
 krint-la, abitud-yo, atachman san kontròl épi lòt kòz psikolojik oubyin
 sosial.
- 1736 Tout aksion moun-nan té vlé dirèktéman yo kapab mété-l sou kont
 (imputable) moun ki fè-l la :
- 2568 Konsa, apré péché-a nan paradi-a, Granmèt-la mandé Adan : « Pou
 kisa ou té fè sa ? » (Gn 3, 13). Minm jan-an tou li pozé Kayin késion (cf.
 Gn 4, 10). Konsa tou profèt Natan palé ak roua David apré adiltè ak
 madanm Uri-a épi touyé li té fè touyé Uri-a (cf. 2 S 12, 7-15).
- Yon aksion kapab volontè indirèktéman, lè li soti nan yon néglijans ki
 gin rapò ak sa yo té doué konnin oubyin fè, tankou yon aksidan ki soti nan
 konnin yo pa konnin kòd-de-la-rout ki réglé déplasman machîn-yo.
- 1737 Konsékans yon aksion kapab akséptab, minm si sé pa-t sa moun k-ap
 2263 aji-a té vlé, parégzanp fatig ékstrèm yon manman bò kot kabann pitit-li ki
 malad. Mové konsékans-la, yo pa kapab mété-l sou kont moun-nan
 (imputable), si sé pa sa-l té vlé ni kòm finalité ni kòm mouayin aksion-l
 nan, tankou mouri yon moun mouri pandan li t-ap éséyé poté sékou pou
 yon moun ki té an danjé. Pou yo kapab mété yon mové konsékans sou
 kont yon moun (imputable), fòk konsékans-la té prévizib épi moun k-ap
 aji-a té gin posibilite pou-l évité-l, parégzanp nan ka yon moun ki mouri
 poutèt chofè machîn-nan té sou.
- 1738 Moun-yo pratiké libète-a nan rélasyon youn ak lòt. Chak moun kòm
 moun, sé dapré pòtré-l Bondié kréyé-l, li gin yon doua natirèl pou yo
 rékonèt li tankou yon égzistan ki lib épi résponsab. Sé yon dévoua pou
 chak moun respékté lòt. *Doua pou égzèsé libète-a* sé yon égzijans yo pa
 kapab séparé ak dignité moun-nan kòm moun, sitou nan késion moral épi
 2106 rélijion (cf. DH 2). Yo doué rékonèt doua sa-a sivilman épi protèjé-l nan
 210 limit byin komin-an épi lòd piblik-la (cf. DH 7).

II. Libèté moun-nan nan Dispozision pou sové nou-an (Économie du salut)

- 1739 *Libèté-a épi péché-a.* Libèté moun-nan gin limit épi li kapab tronpé-l.
387 Éféktivman, moun-nan té vîn gin mankman. Sé libréman li té fè péché.
401 Antan li réfizé projè rinmin Bondié-a, li tronpé pròp tèt-li ; li vîn tounin
ésklav péché-a. Prèmié détounman sa-a anjandré anpil lòt. Istoua ras
moun-nan, dépi nan orijîn-li, ap témouagné malè ak oprésion kè moun-
nan anfanté kòm konsékans sèvi li sèvi mal ak libèté-a.
- 1740 *Ménas pou libèté-a.* Égzèsé libèté-a pa bay doua pou di oubyin fè
2108 ninpòt bagay. Sé pa vré pou prétann « libèté moun-nan ginyin-an t-a vlé di
chak moun individuèlman sifi pou tèt pa-l antan finalité-l sé satisfè pròp
1887 intèrè pa-l pandan l-ap joui byin-yo ki sou tè-a » (CDF, instr. "Libertatis
conscientia" 13). Dayè, trò souvan yo ignoré épi yo déréspékté kondision-
yo ki nésésè pou yon égzèsis libèté-a dapré jistis-la sou plan ékonomik épi
sosial, politik épi kiltirèl. Sitiasion avègléman épi injistis sa-yo tounin yon
poua pou lavi moral-la épi yo mété ni moun ki fò-yo ni sa-k fèb-yo nan
tantasion pou yo péché kont charité-a. Lè moun-nan pran distans parapò a
laloua moral-la, sé pròp libèté pa-l li andomajé, sé anchéné li anchéné
pròp tèt-li, sé kasé li kasé fratènitè aléga moun parèy-li épi sé rébéliyon li
fè kont vérité Bondié-a.
- 1741 *Libérasion-an épi salu-a (sové nou sové-a).* Pa lintèmédiè gloua Koua-
l la, Kris-la té réyisi sové tout moun. Li rachté yo anba péché-a ki té kinbé
782 yo nan ésklavaj-la. « Sé pou libèté sa-a Kris-la té libéré nou » (Ga 5, 1).
Nan li nou vîn fè youn ak vérité-a ki té libéré nou-an (Jn 8, 32). Yo té ba
nou Éspri-Sin-an, épi jan Apot-la anségné-a, « koté [...] Éspri Granmèt-la
yé, sé la libèté-a yé » (2 Co 3, 17). Dépi kounié-a n-ap joui gloua libèté
pitit Bondié-yo (Rm 8, 21).
- 1742 *Libèté épi lagras.* Lagras Kris-la pa prezanté-l ditou kòm konkiran
2002 libèté nou-an, lè libèté sa-a korésponn ak santiman vérité épi byin Bondié
té mété nan kè moun-nan. Okontrè, jan ékspérians krétyin-an témouagné
sa sitou nan priyè-a, plis nou dosil anba mouvman lagras-la, sé plis libèté
1784 nou ogmanté sou paranndan épitou asirans-nou nan éprèv-yo, tankou
dévan présion ak kontrint tè-a ap fè sou déyò. Ak travay lagras-la, Éspri-
Sin-an édiké nou pou libèté spirituèl-la, pou, libréman, nou kapab tounin
kolaboratè travay li-a nan l'Égliz-la épi sou tè-a :
- « Bondié ki gin tout pouvoua, ki gin mizérikòd, tou sa-k jinnin nou, ouété yo
ak bon kè-ou, pou, antan nou délivré nan éspri nou ak nan kò nou, sé afè pa-
ou n-ap chèché avèk kè nou lib » (MR, collecte du 32^e dimanche).

RÉZIMÉ

- 1743 « Bondié [...] té kite moun-nan nan min pròp désizion-l » (Si 15,14), pou li té kapab chèché Kréatè-l la libréman épi rété kolé sou li pou-l kapab rivé konsa nan pèfeksion kontantman-an (cf. GS 17, § 1).
- 1744 Libèté-a sé kapasité pou-ou aji oubyin pa aji épi konsa fè aksion volontè (délibéré) apati pròp tèt-ou. Libèté-a rivé jouinn pèfeksion aksion-l lè li orienté nan Bondié, Byin ki pi ro-a.
- 1745 Libèté-a distingé aksion moun-nan fè kòm moun. Li fè moun-nan vîn réponsab aksion-l yo, sa sé li-minm ki fè yo volontèman. Aksion li fè antan-l désidé yo-a sé pou li yo yé pèsonèlman.
- 1746 Poutèt ignorans, violans, krint épi lòt kòz psikolojik oubyin sosyal, répròch yon aksion mérité oubyin réponsabilité li inpliké kapab diminué oubyin siprimé.
- 1747 Yo pa kapab séparé égzijans doua pou égzèsé libèté-a ak dignité moun-nan kòm moun, sitou nan kèsion moral épi rélijion. Min égzèsis libèté-a pa inpliké yon prétansion pou gin doua fè oubyin di ninpòt bagay.
- 1748 « Sé ak libèté sa-a Kris-la libéré nou » (Ga 5, 1).

[◀Atik
anvan-an](#)

[Gid jénéral-la](#)

[Atik▶
apré-a](#)